

STEWARDSHIP:

**UNI MANGSONGA ARO UKO
CHUSOKATNA DAKSOANI**

Published by :

Rev. J. M. WOOD

for

ACHIK BAPTIST DALGIPA SOBA

STEWARDSHIP: UNI MANGSONA ARO UKO CHUSOKATNA DAKSOANI.

UIATCHENGANI

Mon lolnangni gisepe Kristin Stewardshipna gisik nangbatbani anchinem cha ongo 'adononi gngangbatsianggipa chinanoni nana a onga Banga mndoloni doliango mande ananoni mikimiko bilingko aro gamiriko onani turingni dolo napitna dingtanmanchi joton kaaga

1994 busini Achik Baptistni sobio cokgimin kati lapungangara Kristiani Onani bi upin katar aginode Kristian Stewardship onga la schroni chekatgipa nambitgipa ansoatgipa bte- ringtoni mangsara Stewardship Committee ko don- ctam onaha jomango inchingni Achik Kristian- tangko Kristian Stewardshipni gimip nambate unanona no tanta kiamona napitna duko donaha

Indakgipa mangpal a anilo mama nanga '

Kristian Stewardshipni bebe onganiko dingtan- mancha takatna nangani a chang gnanu

1 Stewardshipko mangikatbatna nangani asel- ming ara Sastromi bebe onganiko Kristian mande- rang pilak salon mama aro tanta kana nangani onga Indiba jensalo Kristiantang je aslini gimimba antangtangko bilingko aro gamiangko Isolini nam- nikni gita jakkalgija obostaona sokbara unsalo bilakgipa gisik nangataniko nangani ongbara Indak-

gipa salrango iani bebe onganiko sinjetatbatna nangani onga.

2. Kristian manderangni gisikni obostan Stewardshipni gimn gisik nangataniko nangatode mondolini dakna nanga kamna una gisik nangani-ko nangata. Achik asongmangmangon Kristo uamangni jokatgipa onga ine ukujagiparang sak 200000 donga. Ia Kristian onggiyagipa Achikrangna Achik Mondolirang dai onga. Indiba uamangko sokbatnara skangna bate joton kabataniko aro antangko aro antango gnangrangko skangna bate bangbate onaniko nanggen. Obostaan Stewardshipna gisik nangbatataniko nangata.

Anchingni Mondolirango member sak 25000 gnan. Ia pilak Kristianranan Kristian ongan mangsonganiara mai uko talbate masina nanga. Uamang skiako mana nanga, indiba skiako manatnara ia Kristianrangko Kristian toromni gimn talbate masianiona dilbana gita bangbatroroe tarigimn pamongrang aro procharokrangko nanga. Ia dilgiparangko tarina gita nangchongmotgipara Garo Bible Schoolko kuliani aro jeko, Achik skigiparangkon done Achikrangchin chalaie rakkiani onga. Aro ia obosta Stewardshipna gisik nangataniko nangatan ongata.

Achik asongo kangalgipa manderang, sagiparang, ma-pagrirang aro cholgrigiparang banga. Ia kangalgipa manderangna chuonge dakchakbataniko onna anchingni daksoanio biapko donara Isolni Kristian manderangni jako dongimin kamrangoni bakmingsa ongchongmota. Ia obostaan Stewardshipna gisik nangataniko onkatata.

Assamo, anching Achik asongo apsan obostako gipin akawe aro abrini biapantion ongatna mana. Ia gipin nangenggipa biaprangona anchingni kamko sokatna gita kasne kasne badalatna mangsongen Assam aro Manipurni Council of Baptist Churches-ko dakaha, jen baksa Achikrangba ongpaa. Ia dalbatkalgipa dolko dakanichi jeko Achik songo chusokatna anching abachengataha gipin biaprangoba apsan kamko chusokatna dakchakna mana. Daoba anching Konyak Nagarangni gisepo gital aganprakani kamko rakkina dakchakenga Anching Jorhato donggipa anching antangtangni Assam Baptist Theological Seminary-naba dakchakatpaenga. Ia kamrangna bangbata dakchakaniko nanga aro gipin Kristianni kamrang gipin biaprango abachengaha. Aro iaban Stewardshipna gisik nanganiko nangata.

Beben iani bebe onganiko bilakatna nangbeanio ia salo anching maina dongenga bangbatako aganna nangjaha. Obosta gimik anching antangtangko aro anchingni nangarangko skangna bate chusokbate onaniko dabia Dambe manderang chugimik Kristianni kamna antangni janggi tanganiko onna nanga. Anching pilakan anchingni jako dongimin kamko chusokatna anchingni gamko onangkuna nanga.

Stewardshipko bilake rakatani aro tarisogimin daksoanin jechi uko ranta kaatna Kristianrangko dilatna, daororon anchingni nanganina aganchakani onga ine anching bebe rachongmota.

Anching maina kadongsoenga?

Ia Stewardshipna dingtangmancha gisik nang-
atanio Achik Kristianrangko uamangni janggi tang-

aniko chugimik onaniona napatna mangel ine anching kadonga Indiba ia anchingni gisik nangat-aniko agre apalatjana aro mamung kamon chusok-sranggiya ongjana gita anchingo gnangrangko onaniosan mengsongbate gisiko nangatna mangsongenga Achik Kristian sakprakan uni gamrangko name suale jakkalna changgiya ongode ua gipin kamrangoba nambatgiya ongpagen ine anching bebe raa Aroba bakchikungni baksako onania antangni gamni Stewardshipko abachengani onga ine anching uia Uni gimin anching Kristian sakprakan uni gnanganoniko bak chikungni baksako Isolni kamna pakwataniko manna kadongenga Iako chusokatna gita anching ia kamrangko daknasienga

1 Pamong sakprak aro mondoliprakan gisik gimikchi ia Stewardshipna daksoanio napna

2 Mondoliprakan uni pilak memberrangni onna nangni bak chikungni baksako tik kana

3 Mondoliprakan tarisogimin daksoaniko chusokatna gita Stewardship Committeeko seokna

4 Mondoliantian pilak Kristianrangko Stewardshipni gimin masiatna aro uko ranta kaatna dilna gita Stewardshipni tomaniko bilsiprakon dakatna

Indakgiya daksoanioni mai bite onkatgen ?

Anching katchinikgiyarang ongja, indiba Isol je manderangan Uni namnikani gita dakna antangtango bimchiye onkanga, uamangna patia ine anching uichongmota. Uni gimin gisik gnange aro bimchiye ia Stewardshipni daksoanio napode uoni-

ko mangnigipa mitam namgnirangko anching agan-sona kadonga.

1 Anching mondolini manderang Isolni aro mondolini kamna gisik nangbatgen ine anching beberaa Ian bebe onga, Jeo nangni gam unon nangni katongba dongkua Jekai mondolina onanirang barianga Kristianrangba mondoli aro uni kamo gisik nangbatrorogen

2 Ia daksoanio mandapaniranga anchingni dakangna nangenggipa kamko rakina tangkarangko mangen Jekai banggiya aganode, Kristian College, C B C A M-na, anching antangtangni procharokrangni kamrangna, Bible schoolna ba kangalrangna

3 Kristian manderangni gisepo mondolini kamrangna gisik nangbatania anchingni mondolirangna pamong aro procharokrangni kamko kana sigkiparangko ongkatatgen Anchingni mechikmarangni kamo, Sunday School aro B Y F ni dolrango sike dilgiparangko mangen

Adita nangchongmotanirang

Je kamkoba indin chusokaia iade ongja aro Kristiani kamba gipinoni dingtanga ongja Ia Stewardshipna daksoani kamo anching chusokgipa ongnade ia kamrangko anching nanggen.

1 Ian gisikni bidingo kam kaani onga ine anching pangnan gisik rana nanga. Manderangko antangtango aro uamangni gnangrangko Isolna onatnara Kristian onggi jagipako Kristo uni jokatgipa onga ine rachakatna aro napolako manatna, nangani gitan apsan nangbeanu onga.

2 Pilak pamongrang, procharokrang aro mon-dolini dilgiparang Stewardshipko bebe rasrangna aro antangtangan ranta kana nangen.

3. Mondolini membor sakantian Stewardshipni mangsonganiko uko aro uko maina aro, maikai ranta kana nanga uko uiatna aro antangni gamrangko Stewardshipna onkangna cholko onna nanga

4 Stewardshipni gimn dingtangmancha skie onani biaprangko pilak biaprago aro mondolirango dakna nangen.

Ia kitap bisako Achik songo donggipa anchingni Kristianrangko Stewardshipko sulsul aro dondikgija ranta kaatna, dilanio dakchakanu ongen ine kadonge, Achik Kristian sakprakkon kragipa ongga ongapana nangmung biriman baksa, nangni jako donatenga.

ODHAI I.

Stewardshipni Mangsonga.

Anchingo mondolirang aro Kristian Stewardshipna onkanggipa Kristianrang dongna nangode skang nangchenggipara ia Sastroni bebe onganini gimn krae masianin onga. Gimikni japangara pilak bosturangni nokgipa chongmotara sawa ine singani donga. Kristian mandeni uno donggipa unu gamrang baksa nangrimani mai? Aro ua maikai uarangko jakkalanu onga?

Mandeni mande baksa nangrimanuo aro gitimsa gitim gipin baksa nangrimanuo maiba uigimin gamni nokgipa onganu bil gnang. Ia bilrangko asongni niamchi uie rachakgimin onga aro jerangan

ia bilni kosako drae daka sasti onako mana. Isol-ba gamni nokgipa onganı bilko mania ine Mosena ongimin geetanio mesoka, "Naa chaunabe" (Reong. 20 : 15) Uandake Isol manderangni mandeska baksa nangrimanio gamtangni kosako bil gnang ine rongtale mesoka, jeko chauara Isolni nikao pap onga. Jegitaba, anchingni Isol baksa nangrimanini gimin chanchion namen dingtangsranggipa obostako anching nika Isol pilak bosturangni kosako bil mananiko aro chonkame nokgipa onganiko antangna rakiaha ine Sastroo tale mesoka. Isol Israelangna aganprakaha, "Aro dao nasimang angni kurangko manichengmotode, aro angni namko rakiode indide nasimang pilak jatna bate angnin mankamani onngen. maina agimik angnin onga" (Reong 19.5) Isol dingtangmancha talbate uanikoba onaha, "Rupa angnin, aro sona angnin ine kotokrangni Jihova agana" (Hag 2 8). Aro ua agantala, "Maina pilak matburungrang angnin, aro hajal adingrango donggipa jillanirangba Abirangni pilak dodrangko anga uia, aro abaoni matburungrang ang baksa donga" (Git 50 10—11) Gipin Gitrango Daud aganpraka, "Aa Jihovanin onga, aro uni gapani, agilsak aro uno donggiparang" (Git. 24 1) Uandake anching nika Isol aako aro uoni onkatgipa silrang ba matburungrang uno donggipa pilakkon antangna kanga Anchingni Stewardshipni gimin uania Isolni pilak bosturangni kosako bonkame nokgipa ongako uanio abachengna nanga.

Pilak bosturangni bonkame nokgipa onganiko Isol antangna rakiahani gimin, chanchibewalanı bidıngo mandeara Isolni dakgiminranga rakigimin

nokkol ba kadonge dongiminsa ongaia Stewardko indake aganna mana, saksä jëo antangni onggijagipa akingko chalaianiko ba kamko chusokataniko kadonge pakwate dona Iasa mandeni kam ba biap onga ine Sastroko segiparangchi Isol rongtalata Un antangni bimang gita aro antang gita Adamko dakmano, Isol uko geetaha, "Aani kosako pamong ongbo" (Aba 1 27—28) Ia geetanini nalsachi Isolni bebe ongan gnan, uni gimn ia geetania mandede nokkol pamongsa, antangni onggijagipa kamko chusokatchina kadonge dongiminsa ine mesoka Monako ongipani gimn toe skianio (Luk 19 13—26) aro gamko donanggipani gimn toe skianio (Mat 25 14—30) Jisu mandeko Stewardsa onga ba kadonge dongimin nokkol pamongsaksa ine rongtalbate parakata Unbaksaba jeko kadonge donangaha uko jakkalanio pangchakesa ua nokkolko bichal kagen ine chanchianiko onaha Pitor uni skanggipa chitio sea, "Uni gimn rinok rinok ongbo, aro bianirangona gisik rakbo Pilakna skang nasimango kasagrikbea ongbo, maina kasara banga paprangko pindapa Mitu mitu ina gri saksä sak gipinko soka chakgrikbo. *Sakanti kasae onaniko manahu gita, Isolni mamanti kasaani, nama nokkol pamongrang gita uko nasimangni gisepo dangdike onchina, saoba aganode Isolni aganani gita aganchina*" (1 Pitor 4 7—10).

Uandake nangchapanichi, toe aganani aro srong srong agane onanichi Sastrorango mandea nokkol pamongsaksasa onga ine parakata.

Nokgipa chongmotde Isolsa aro manderanga Isolni dakgiminrangni nokkol pamongsa ongode

indide manderanga Isolni nokgipa onganiko aro jeko uamango kadonge donaha uko Isolni namnika gita mandeni namgnina jakkala antangtangni nokkol pamong onganiko kurachakna nangenga Mnarangko toe skiani maiba skianiko anchingna onode manarangko jakkalania nokgipani skanirang gita onga ine rongtale mesoka Indiba singani nabara, Anchingna donanggiminko maikai jakkalgen, jedakode mandeni namgnina aro Isolni namnikani gita onngen? Bikipile jeanina kenani grian anching aganpraka je Krstianrangni skanggipa nangania uamangni gnanrangoni bak sako Isolni songnokni jelgnina dingtangmancha donani onga Nangni dakna nangni kamko chanchie ua tangkara Israel manderangna indonga kamrangni gimin skion Isol indine agana, "Naa nangni aani bite minchenggipani skanggipako Jihova Isolni nokona rababo" (Reong 23 19) Ua dingtangmanchaba aganprakatkuu, "Aro aani pilak bak chikungni baksa, ua aani bitchrioni ongchong, bolni biteoni ongchong, uan Jihovanin onga; uara Jihovana rongtalgipa onga aro aani ba jillani jakrangni bak chikungni baksani giminara bak chikungni baksa Gitelna rongtalgipa onga. (Lev 27:30—32)

Jensalo manderang bakchikungni baksako rabana jechaka ba uamang namjabatgipako rabara, Isol antangoniko rasekangaha ine aganataha aro katchinikgipachi uamangni bak chikungni bak sako aro onanirangko ontaichina uamangko okamaha (Mal. 3.7—10), Pharisirangni chachipilaniko manenge Jisu bak chikungni bak sako onaniko namnikpaaha, "Aiao

nasimang Sastro skigiparang aro Pharisirang, chachipilgiparang, maina nasimang podina aro gua mori aro jirani bakchikungni baksako ona, indiba niam jimbatarangko, chongmotan bichal aro kasa-chaka, aro bebe raako wataha ; iarangko dakna nangachim, aro ukoba watna nangjachim" (Matı 23 23). Chongmot Isol Israel manderangko uamangni pilak gnangrangni bak chikungni baksako rabaatode aro onna nanganı gita Jisu uko namnikpahaode anching Kristianrang pilak mandena Isolni songnokko jelatna nanganı kamko nıke komıbate onna manja

Indiba anchingni gnangonıko bak chikungni baksa mangmangko onachi anchingni Nokkol Pamong ong-anıko kurachakan baksa gipin bak chikungni bak sku Isolni rasongna krae aro gısik gnange jakkalanıchıba anching kurachakna nanga. Achik songo donggıpa Kristian manderang ritchaprakni gısepo sak 75 mangde maıba rokom tamaku ringanıko jakkala ine chan-anıo nıka. Ramram ringgıparangko mangope tamaku ringgıparangonı saksa bılsısao cigarette tepprako pelchikung kae tep 100 ko ringgen ine chanode ua bılsıo gong 15ko cigarettena koros kagen. Sak 5000 Kristian manderang indake apsanko dakengode uan bılsıprako gong 75000 ko anchingna mamung namgnıko ongıjagıpa kamna indin galatanı onga. Indakgıparang sak 1000 sasan donggenchımoba gong 15000 ko apsan dake jakkalenga. Anchınga Isolni gamrangko rakkıe jakkaltımgıpa ba Steward onga ine chanchıe anchıngo kadonge dongımıngo krae aro gısik gnange jakkalenga ine aganna manama ? Aganbewal gita anching indake ongja ine kurachakna nanga.

Indake anching sokaha jeo Stewardshipni mangsongako kandike aganna altue manaha. Uan pilakni kosako Isolni nokgipa onganiko uiani aro kura-chakanı onga , jeko Isol anchingo kadonge donı uko rachakanı aro apsanko Isolni namnika gita mandeni namgnina jakkalanı onga Indiba ia Stewardshipko kasaaonina bate niamonisa ongbata ine chan-chisretjana gita anching Kristianni onanı gita chan-chianiona donatskaa

ODHAI II

“Anga maiko rae Jihovani mik kangona rebae chugipa Isolni mik kango bamgopgen ? Bilsısanı mat-chu bısarangko, hom onanırangko rae anga Unı mik kangona rebagenma ? Hajal hajal mes bıparangko, ba hajal chikung tonı chıbımarangko Jihova namnikgenma ? Anga angni nıam peanırangna angni dejakrako aro angni janggıni papna angni beenni biteko ongenma ? O mande ua nangna namako mesokaha , aro kakket daka aro kasachakanırangko namnika aro nangni Isol baksa onao reruraana agre Jihova nanganiko maiko ama ?” (Mika 6 6—9).

“Onbo, unon nası mangna ongen , uamang nama toanıo sınjettete, morekreke, suake, nası mangni kabako ongen. Maina nası mangni toanıo nası mangna toskagen ” (Luk 6.38).

“Jajrenga gita, ba nanga gita ongıja, sakanti katongtango mangsonga gita onchina ; maina Isol kasroke ongıpana kasara.” (2 Kor. 9:7).

ISOLNA ONANIRANG

Mika 6 6—9 , Luk 6 38 , Wat 20 35 . 2 Kor 9 7 ;
Mark 12 41—44

Robibaranti gilja kamitingo anching paisako gil-ronga ba onronga Uan anchingni olakiani bak onga Anching anchingni paisachi Isolko olakienga aro paisa-ko onmitingo anching Isolna onenga ine chanchina kraa Anchingni katarangchi, anchingni git ringa-nirangchi, anchingni katongrangchi, aro anchingni paisa ba gamchi Isolko olakia Anching uko Isolna onenga

Skangoni intal manderang Isolna maikoba onrongachim Sastroko poraie Kain aro Abel Isolna abani biteko aro mes dobokrangko onaha ina ine anchinga uia

Agilsakni toromrang rokom rokom bangsraang, indiba pilak toromrang manderangni isolrangna ba miterangna antangtangni gamoniko onronga Mitam manderang maiba namgniko mana gita miterangna ba isolrangna onrongachim, indiba bang-batan kenbeani gimn miterangni namgiya dakani ba kaonanganioni jokna gita miterangna onrongachim

Anching Kristianrangni onanirangko tosusana gita mitam skangni toromrangni onanirangko mesokua mannaba donga

Americao English manderangna skang donggiparang American Indianrangni toromrangko nibo. Mitam jajongko olakiaha aro una boliko onaha.

Mitam antangni toromo beberasranga aro nambatgipa onanirangko miterangna ona sikrongachim Mes. dobok aro matchuko onaniko chuongnikjaha Uamang gamchatbatgipako onna skaha Mandeni been pilak-na bate gamchatbata inc uamang chanchie mandeko mitena onna tik kaaha

Uamangni dalgipa mite saksa Niagara chibimani chidareo donga inc uamang bebaraaha Isolni gimn uijaode indake beberana kraa, maina ua chidareko agilsak gimik mingsinga Dalgipa chidare mik ritcha-saoni tonglong gaakaha Chin gaaka gamsrangani gimn mande chiikoba abokoba knajachim Aroba sepango donggipa aaba mopilachim Bangbea chi gaakrongani gimn kamao tubegipa wariko dakaha Chin biba aiame gita tangdoronga aro sal rakmitingo ua aiame nitogipa sundare donga Chinga ua chidareko nike Isolni bil mairongpile bilaka inc chanchiaha Iano dalbegipa mite dongchongmota inc American Indianrang chengo bebaraaha Ua mitena ramram mes ba matchu ba abani biteko onaniko chuongnikjaha Un gimn bilsiantio uamang chidatani kosako dalgipa melaniko dakaha Uamangni dalgipa manderangni ba nokmarangni demchikrangoniko uamang saksako seokaha Unon ua metra ringo gakate chidareona balpakangako mane chidareo gaake siaha Indake ongmitingo ua mechik grapgiya aro chrikgiya dongna nangachim, maina kenaniko mesokode American Indianrang mitchiachim Ua mechik kenaniko mesokode uni pagipako kratchaatgenchim

Indake American Indianrang antangtangni mite-na dalgipa aro gamchatgipa onaniko onrongaha.

Beben uamang mande sootna nangjachim; maina uamang beberasretesa indake dakachim Indiba uamangni kimkim beberaaniko aro uamangni dalgipa onaniko nibo Uko nike anching kratchana nanga. Anchingni bebegipa Isolna anchingni onani dalama? Anching pelsa pelgni onaniko dalnika ba paisa dongjaode anching Isolna kam kae ona nengnik-bea.

Nasimangni pagitchamrang mitena kene matchu, debok aro doorangko dene krित्रongachim Basakoba basakoba gitchambegiparangko ba gipin bostuko onrongachim Uamang uamangni miterangko dalnikaha, aro gamchatgipa onanirangko onaha

Ibri manderang Isolna onna namnikaha Uamangni nambatgipa, marang nanggiagipa matchurang, dobokrang, mesrang, draka biterang aro skanggipa abani gom aro merakkuko onrongachim Uamang, ramram onjaha, uamang nambatgiparangkosa onaha

Katchinikgipa Mika aganaha, "Isolna hajalni hajal dobokrangko onode ba hajal chikungni toni chibimarangko Jihova namnikgenma? Angni dejakrako ongenma? O mande ua nangna namako mesokaha aro kakket daka, kasachakaniko namnika aro nangni Isol baksa onao reruraana agre Jihova nangoniko maiko ama?" Ia katarangko Jisuna skang bilsiritchasnio Mika aganaha Indiba Jisuni katarang gita ba uni skiani gita onga. Ia gipin toromni manderang antangtangni miterangna bamgenoba mai namgni? Uamang kakket dakja, kasachakaniko namnikja aro Isol baksa nangrimiana ba rerurajaha. Uamang uamangni dalgipa onanirangko indin onaha.

Indide anching Isolna onaniko ba gamko onaniko nangjama ? Anching Kristianrang onna nangchongmota. Indiba anchingni gisik Isol baksa nangrimjaode anching banga tangkako onoba namgni dongjasrang. ua anchingni onania gipin toromni onani gita indin onani ongaia

Anching onna nanga aro maikai onna nanga Jisu anchingna tale mesokaha Changsao Jisu segrigipani paisako onaniko nikaha, aro nasimang uko gisik raenga Ia mechikni onani bangja indiba ua gipinrangna bate bangbaten onaha, maina ua antangni paisa gimikkon Isolna onaha Mitam manderang ua skianiko sretronga Uamang pelgniko gilano onna donronga aro onmitingo agana, anga segrigipa gita paisa banggijako onenga Aiao indake ongjasrang Ua segrigipa antangni paisa gimikko onaha Anching saksaba ua segrigita onkujakon

Aroba Jisu skiaha, gipinrangna anchingni onani ba torom kamko kaanio mesokna mangmangsan daknabe Pharisirang onna skang singgako sikaha aro rama bibrarango uataha Indiba nasimangni onmitingo nangni jakrani dakako nangni jakasi uijachina Jisu aganaha ba skiaha Chongmotan donnue onode nambata Mitam mane chagiparang onode antangni bimungko mesokna namnika, ia kamna ba Hospitalna, ia missionna ia tangkako angan antang bimungko mingesas onronga. Indiba gisep gisep mitam bimungtangko uatgija Jisuni skiani gita tangkako onaha Nasimang nasimangni onaniko Isonlna onengaha Nasimang nasimangni onaniko Isolna onenga

Aro Paul changsao aganaha, Jajrenga gita ba

nanga gita ongija, sakanti katongtangtango mang-songna gita onchina, maina Isol kasroke ongipana kasara

Mitam manderang onronga maina onjaode uamang kratchaa Indiba indake onna nangja. Kasae aro kasrokesa anching Isolna onbo

Jisu changsa aganaha, "Manana bate onan kusi ongbatani onga" Anchingni gisik kraa gita onode anching ua katani mangsonganiko uigen Aro Jisuni skia gita onode anching kusi ongchongmotgen Anching chuonga gita Isolni kamna onjaenga Anching anchingni nangbregijagipa paisa ba nangbregijagipa somoi ba kamko Isolna onenga Moffusil remitingo anga iamao terik bijakko piala gita tariako nikaha. Anga procharokko singaha, "Ua bijakni pialara mai?" ba maina uko dona?" Ua aganchakaha, "Chengoni manderang mitena gamchatgiparangko oniongachim, indiba dao ia terik bijakko taric rang gita dakaha. Ian gitchamgipa rang onga ine mite chanchinaba donga" Anga uko nika ia miterang goka ongakon ine chanchie kadingstekna skaha Ia manderangba gamchatgijagipa terik bijakrangko miterangna onaia

Indake kadingmitingo angni gisiko indakgipa chanchiani naaha, "Naa maina kadingstekenga?" Kristianrangba ia songsarik gita dakjama? Anching Kristian onge anchingni bebegipa, kasabegipa, bilaksranggipa Isolna maiko onronga? Bangbata salo anchinga ia songsarikni terik bijakko ona gita gamchatgijagipako onaia.

Anching pilak nanganirangko manmano Isolna ua banggija bangkiko onaia. Anchingni gamoniko

gamchatgijako Isolna anching onaiA Aro anchingni gamoniko ongaigija indiba anchingni sal ba somoi-onikoba banggijako onaiA Anching Robibaro changsa ba changgni Isolko olakide anching uko chuongnika Ua manderangni terik bijakni rangko ona gita anchingba bebegipa, kasagipa, bilaksranggipa Isolna banggija gamchatgijagipa bangkikosa onenga

Beben anching Isolna gamni bangkikosan onenga Mitam tamakku, ba pan ba mola, cigaretterangna paisako mana indiba Isolni kamna pelsa pelgni-koba manja Pilakan miko chana nanga indiba mola, cigaretterang nangchongmota ongja Cigarettena nasimang je paisarangko koros kagenchim uko nasimang Isolni kamna ongen ine kurachakna manode, procharokrang, pamongrang, skulrangko chuonga gita rakina mangen Ba annasako molarangna koros kaode Isolnaba annasako ongen ine kurachakna manoba nambegenchim

Isolko uigijagiparang antangtangni miterangna mairongpile gamchatgipa onanirangko onaha uko anching kosako poraiaha Isolko uigijagiparang namgijagipa miterangna onna changaha Anching anchingni Isolna onna simsakjaenga

Basik sal ba badita bilsI Isol anchingni simsakgijaniko chakchikkugen? Anchingni banggijako onna anchingni kratchaani onga Mitam manderango adita banga gam donga, uamang bangbatako onna kraa, mitamo banggijasan dongaoba indiba bangjaoba uamangni bil gita mitamko onna kraa

Paisa ba gamkosan ongaigija indiba anchingni sal ba kam kaaniko bangbate Isolna onna kraa.

Isolnı kamko kana nengnikgenma? Aıao ! Anchingnı gisepo mitam gilja kana mangmangan nengnikbea.

Haı anchingnı gualanırangnı gımın Isolo bıe mik kangchi kusi onge kasroke anchingnı gamoniko aro anchingnı salrangoniko bangkale Isolna onna. Indake dakode pamongko rakına mangen aro kra gita Isolnı songnokko rikna mangen.

Jısu aganaha, "Jeo nangnı gam unon nangnı katongba onngen" Anching anchingnı gamko Isolna onengama? Mosenı nıamo gamoniko Isolna bakchıkungnı baksako Isolna onna nangchongmota, aro Ibırırangko draataha Kristianıang Mosenı nıam ningo ongja aro anchingnı mondolırang Mose gita rakgıpa nıamko dake manderangko bakchıkungnı baksako onna nangchongmota uko dakna kraja Indıba Kristonı skıa gita kusi onge kasroke onbo

"Jajrenga gita, ba nanga gita onggiya, sakantı katonglangtango mangsonga gita onchina; maina Isol kasroke ongıpana kasara". 2 Kor 9 7

Kristianrang nıamnı gımın bakchıkungnı baksako onna nangja indıba kasroke aro jaksrame bakchıkungnı baksako ba una bate onna manode onchina. Jısu antangnı been aro anchıko anchingna onaha. Uko gısik rae onbo, gamoniko ba janggoniko. Unon Isol anchingnı onanırangna bate anchingna patianiko onskagen aro Achık asong gımiko Jısunı mondoli skangna bate aro chanchısokana bate ansengna mangen.

ODHAI III.

Mondolina Stewardshipna Daksoani.

Isol Israelrangko bakchikungni baksako onchina geetaha, aro Jisu bakchikungni baksako onaniko namnikpaaha. Kristianrangni dakna nanggnia pilak Kristianrangko bakchikungni baksa mangmangkode onchina dabia Unu gimun chinga pilak Achik Kristianrangko Isolni songnokni silrorognina uamangni gamrangni bakchikungni baksako onchina geetenga Una agreba chinga mingsa kupatiani daksoaniko onenga jean anchingko ia Kristian Stewardshipni bimango sulsul aro jringjring ranta kana dakchakgen ine chinga kadonga

Pilakna skang chinga iako janapa mondoli geantio aro bipekantio Stewardship Committee-ko seokchina, jeni pamong (Chairman) mondolini tangka dontimgipa (Treasurer) onga nanga Mondoliantion ia Stewardshipni daksoaniko chusokatanina Stewardship Committee dai ongen

Je biapo game chagiparangsan onga, jekai Achik songo, chol mingsa gnang aro ia bakchikungni baksako onna daksoaniko chusokatna joljol aako dakode uan altubatgipa ongnaba donga Chinga janapenga, Kristian nokprakan ba song gimikan Kristian ongode indakgipa songprakan bilsiprako gamni aani bakchikungni baksako Gitelna ine donbo aro ua aani biteko mondolina Isolni songnokni jelgnina onbo. Ia aako pilak gipin aarangko gitan bimchipe aro simsake gamna nanggen, indiba unu biterangko Isolni ine changen. Aro gipinko agandapode namnaba donga. Ia, aa namjabatgipa onga nangja. Isol anchingna namjabatako

onjaha , batesa Ua anchingko jokatna nambatsrang-gipako onaha

Dalgipa song ongode ia aani miko ba gipin biterangko chimonge donna dingtangmancha jamko nanggen Chongipa gitimrang biterangko mondolini tangka dontingipani nokona rabana mana Je biterangko rabara uarangko chimonge rakiani aro krae palani daiko Stewardship Committee-ni jako galgen Mana biterangni aro uarangko pale mana tangkani hisabko name rakina nanga aro pale mana tangkako gipin gipin tangkarang baksa donna nanga

Aani bakchikungni baksako donan baksa Kristianang doo bitchirangoni rongchikungpragkipako, mangchikungpragkipa dobisako, mangchikung prakgipa wakbisako aro uandake mangchikungpragkipa dobokko aro matchuko aro gue bolchikunggipa bolni biterangko aro narang bolchikungprakoni bolsani biteko aro uandake bilsio mangipa pilak gipin biterangoni bak chikungni baksako onna nanga

Ao Nagarangni dakako iano mesokani gita janapode namnaba donga Uno donggipa Kristianrang adita bilsirangna uamangni biterangni bakchikungni baksako onaniko jarikbaenga Aorangni asongoniko uamangni kamrangni gumin knasoa kata-rang namen kasrokbatbeani onga, maina ua kamrangko kana gita uamango tangkarang donga.

Achik asongo anching game chagiparang onge bangbatan aani biteko manosan antangtangko aldunina pangchakbata ongoba adita banga mande-

rang gnang jerangan tik kagimin dormaharangna kamko kaenga Pamongrang, procharoqkrang, skulni skigiparang aro sorkario kam kagiparang iani dolo gaaka Jekai game chagipa manderangko uamangni bakchikungni baksako dingtangmancha donchina geeta apsan dake ia pilak kam kagiparangkoba uamangni manronga dormahani bakchikungni baksako donchina geeta

Bilsini abachengo Robibar salsako onkangani sal ine seokchina chinga janapenga, unsalo dingtang dongimin aako Isolna pakwatgen aro uno Isolni patianina bianiko dakgen Ua apsan salon dormahani bakchikungni baksako onkangna mangsonggiparanga uamangni bilsio mangnini bakchikungni baksako pakwatsona nanggen Jensalo aani biterangko chimongmanaha, changgipin pakwatani aro chimonggimin biterangna mitelani giljako kana nanga

Anching antangna rakkirikgipa bangki bakchikungni bakskuko krac jakkalanini gimin maiba janapani gnangpiti lanoni bangbatakon gana-chinani, chaa-ringani aro dongchakanio madrangna nangani na jakkale bongen, indiba gisik gri dake koros kagipa tangkani giminna maiko chanchia? Chinga meiong jakkep gita dakgipa chimonganiko abachengchina kupatienga Paisako jeko anching cigarette-rang dakgiparangna gisik gri dake koros kaenga ia chimonganio donatna nanga aro adita somoiprako mondolini tangka donramona chimongbana nanga.

Chingni janape ongipa gita dakgipa daksoani mondolini mamaantini tangkarangko bariatgen ine

pilakan altuen uia Unı gimin ia tangkarangko maikaı koros kana nanga chinga kata mingsako aganna nangchongmota. Beben mondolırang aro bıpekrang tarigimin pamongrangko nanga jerangna antangtangko aro uamangni nokdangko alduna chuonge dormahako onna nanga Indiba dalbata kamrangko chusokatna gita chuonga tangkarang Krıma aro Soba dalgıpaona sokangatna nanga Unı gimin chinga janapenga mondolırang mondolitangni kamna bak brini bakgniko rarıkna miksonge kam kabo, bak brini baksako Krımana Krımanı kamna watatbo, aro bak brini baksako Soba Dalgıpaona, Soba dalgıpanı dakna nanggni kamna watatbo Soba Dalgıpa unı mansoa gimikni adhako Assamni gipin bakrangona Krıstıanni kamrangna uandaken watatskana nanggen

Stewardshipni mansonganiko talatani aro kupatıgimin daksoanına nangni nama aganchakaniko manganıne kadonge aro Achık Krıstıanrangchı uko chusokatchina sinjetaniko one bian baksa nangni Stewardship Committee uko nango kadonge pakwatatenga

TRIBUNE PRESS — GAUHATI